

Transkription von Urkunde HLM 1385a

Ort, Datierung: Helmstedt, 1385-06-24

Signatur: Stadtarchiv Helmstedt, Nr. 162 (167; 163)

Inhalt: Berent Perner: Verzichtserklärung für Gewässer

Ek her berent perner to helmstede be kenne openbare in dessem ieghenwórdighen / apenen breue vor alle den de en seen idder hōren lesen dat ik hadde en pūnt wasses / an twen stücken de twe stücke hebben beyde jeghen enen morghen in dem kampe de / dar lit bi des abbetes dike in dat osten vor dem nordore vnde vor dat pūnt wasses heft / mi bartolt von werberghe bōrghere to helmstede wedder stadinge ghedan also dat ik / hebben schal en pūnt wasses an dem garden de dar hed dat hauekestorp vor dem nor/dore dar ik ok (?) rede ses schillinge tinzes an hebbe vnde ik her berent perner vnde mine / nakōmelingē laten dem rade vnde der stad to helmstede de seluen vorbenōmeden twe / stücke vry ledich vnde los vnde willen en disses en recht were wesen vnde setten / se in de were mit dessem seluen breue vnde willen en dit stede vnde vast holden / ane ienigherleýe arghelist to grōterer wisneheýt vnde to be kentnisse disser / ding so hebbe ik her berend perner dicke vorghenōmet min ingheseghel wit/likē vnde mit gudem willen ghe henget an dessen bref de ghegheuen / is nach der bord goddes dūsēt iar vnde dre hūndert iar in dem vif vnde achtentighsten iare in sinte johannes daghe baptisten to middensommer